

南

河

志

南河志卷之六

南河郎中朱國盛編輯

員外郎彭期生全較

郎中徐標續纂

章奏

淮揚河工高郵中堤石工疏

總河部院李若星 題淮揚兩府原係澤國其沿河一帶

黃運二河綿亘上下千有餘里皆係運道緊要咽喉之地

况邵伯高郵寶應等湖水勢相聯澎湃奔騰即洞庭彭蠡

之險不洶猛于此矣沿河堤岸年年修築惟高郵中堤之
工原是土築經今年久湖水衝汕塌卸不堪且東南一帶
萬艘鱗集絳輓北渡只靠一線長堤關係最大况與鹽通
泰七州縣民田廬舍保障捍禦全憑一堤為永賴之基勢
不得不並加修砌今據司道議建石工計求久遠之謀但
今虜警多事之秋帑如懸罄一工費至三千六百元又加
歲修二千三百金共費銀近六千兩恐一時卒難措辦行
令准其一項即于二千三百之數樽節動用其三千六百
兩候該府湊有錢糧續發接修至于江都寶應山陽清河

堤岸卑薄牽道殘缺均屬緊要工不可緩若不趁時亟行
修築恐洪水漲發漫溢潰決實干運道民生貽害不小况
需用不多酌估已定既經司道覆覈前來職又細加駁減
磨勘無異相應題

請伏乞

勅下工部酌議行職轉行南河分司徐標淮海道兵備胡爾
愷揚州道兵備王象晉貴令淮安府知府董允升揚州府
知府徐伯徵動支庫銀一千九百六十六兩六錢貴令高
郵州知州盧煥江都縣知縣遲大成山陽縣知縣朱國棟

寶應縣知縣李士襄清河縣知縣魏知微照數領回湊同
上年省剩銀兩及廠存舊料督委管河官鳩集夫匠上緊
興修勒限完報庶綱繆有備而軍儲民生皆有攸賴矣

報銷高郵石堤錢糧疏

總河部院朱允祚 題據管理南河工部郎中徐標呈據
高郵州申送包砌中堤石工完冊原詳允工料銀三千五
百九十九兩九錢九分零除實用過二千八百八十五兩
七錢四分二厘省存七百一十四兩二錢四分九厘到司
卷查崇禎三年三月內蒙前部院批據司道合詳前工蒙

批高郵堤工已批准支銀二千三百兩其後估三千六百兩姑俟下年湊銀接修繳比因歲修方殷帑訕暫輟至四年八月內本司目擊前工愈圯勢不可支况係揚州道副使先詳甃石職掌攸關覆詳本部院蒙批高郵中堤工程前院批准支銀二千三百兩者業已報完不識工果堅固銀果無冒否此該司所常目擊者本部院不知也後估石工三千六百兩雖經題

准以帑訕暫停今乘水勢平定亟請鳩備宜矣但以夏五月而曰水定非藉該司駐工董率稽覈嚴明亦未敢嘗試

金錢也舉政在人再得實心共濟印河官慌使勞民精察
石料効該司半臂之助勒限報完勿虛冒勿苟且更勿因
循斯垂永賴准如議支銀辦料及時合作完日核實詳銷
繳本司遵依親核前工果堅經伏秋洪水毫未撼動銀料
委無虛糜其應接修新工備行高郵州支銀辦料本司就
近躬督包砌石堤一百四十二丈嚴令官匠下開深壟
地釘樁木棟選石塊細鑿六面界線平穩鋪砌多加
足垂久遠仍省銀二百二十一兩九錢一分六厘
堤土方本司先派各夫就近取土預培完固估

十二兩二錢三分三厘未動二項共省存銀七百一十四兩二錢四分九厘用過二千八百八十五兩七錢四分二厘確實無冒取其實收甘結在案管工判官尹覺亦瘁急公潔已速効委不負 題留完工任使相應敘獎冊報到職查得高郵石堤初起工時徐標在淮巡河石匠輒用立石壘砌細鑿面方頗覺厚整數日報說多層比歸而心疑之掘勘皆立石也中以碎石抵填灰石未固督令盡拆見底改用扁石平砌六面成細即襯石亦斧斷膠以細灰內用實土杵堅段段如此所以用來多用工多而費時日亦

多也則一百四十二丈之堤核銷銀料二千八百八十五兩零不為浮羨且報省存并土方未動銀七百一十四兩零非該司實任勞怨而能有此乎所有前河臣李若星具題原估銀三千五百九十九兩九錢九分一厘今實用過二千八百八十五兩七錢四分二厘零內一項州庫二年歲修存剩銀二百二十五兩五分七厘一項州庫三年存剩石塊杉木銀八十一兩二錢八分二厘一項揚庫絲閘船稅銀三千五百七十九兩四錢三厘應與開銷餘省存銀七百一十四兩二錢四分九厘貯庫聽支其留管本工原

任判官今陞江西都司斷事尹覺上年伏秋水泛前工未完職念本官雖陞經手錢糧必須核確方免相繼推諉蠹帑悞工今工已完矣司臣核其潔已盡瘁不負任使矣或改憑限仍赴新任或以陞銜留用近地統候吏部查行崇禎四年九月覆疏酌議去留非職所敢侵也至用過銀料細數照例于年終歲報冊類繳伏乞

勅下工部查覈註銷并咨吏部酌議完工判官尹覺去留施行奉

聖旨工部知道

條議河防疏

管理南河工部郎中徐標 題為恪奉

聖諭敬循職掌俯陳末議以奠河防事方今 國家最急者
無如漕事而漕以河運南河尤漕運之咽喉也臣叨

簡命經理于茲寧敢少怠履任來總河漕臣日日嚴檄臣日
日拮据無淺不濬無險不修胼胝匪躬夙夜靡懈湯湯川
流胥堪利濟矣巡漕臣龔一程督僨回空舳艦銜尾幾數
十里不二日入淮出揚風帆迅駛僉以為快而未可恃也
南河與諸河不同不患水小每患水大不患水涸每患水

決臣為此慮思慮豫防而勢孤權輕即心血可竭筋力可殫而一人之手目其何以給望之同舟恐積玩之餘臣以為急各屬未必為急也極力振刷仰祈

宸嚴謹以

勅諭內應行事宜并目擊種種利病備詳總河臣李若星總漕臣李待問皆謂臣精心盡畫宜著實整飭者敬列款為皇上陳之事關河漕切務不得不言而縷析條分重懼夫言之冗也仰乞

聖明矜宥垂察臣曷勝悚慄待

命之至

一河官之責成宜專也欽遵

勅諭管理淮安天妃閘以南至儀真一帶河道提督各該所屬軍衛有司掌印管河并閘堰官吏人等及時挑濬淤淺修築堤岸臣甫抵秦郵往來河上用杆打探某處水約幾尺應行深濬某處水約幾尺應行量濬閘壩堤岸某處塌損極險應行急修某處衝刷次險應行徐修隨行各該印河官指授撈濬修築之法借郡邑力以嚴考成固非印官不可然河官則專司也厭局中之艱者轉

牽以局外之紛希局外之圖者轉卸夫局中之擔官守之謂何且勞而彼寧得逸查弘治三年令各府州縣管河官帶領家人專在該管去處管理河道不許私回衙門營幹他事則未始不可做而行也議今後各該管河官務在本屬地方各修本管職業如臣所限工限程而課之完者不得以旁騫廢事至淺各有夫夫各有鋪鋪各有船船各有器具此皆河官速應料理及時從事者也伏候

聖裁

一河糧之稽查宜嚴也欽遵

勅諭應該出辦椿草等項錢糧查照原額數目徵收貯庫仍
要稽查出納毋容所司別項那移若該管地方軍衛有
司官員人等敢有徇私作弊賣放夫役侵欺椿草錢糧
及抗違不服調度致誤漕運者輕則量情責罰重則拏
問如律淮揚等處河道錢糧額數殊多徵貯幾何數弗
以報臣支借幾何項弗以報臣多寡出入之不聞則緩
急支取之何賴此臣所最關心者也議請茲後凡經收
河道錢糧應聽臣查考置立循環二簿前註額數後開

完欠總撤輪比倒換如或動支移文到臣轉詳總理河
臣必俟批允方許給發若有別項侵那情弊一奉

聖諭而行則一切存貯錢糧瞭然心目遇有河工支用立濟
然眉庶不臨時道謀沿門乞鉢致有頽廢之虞也伏候

聖裁

一急需之河料宜儲也欽遵

勅諭其高家堰柳浦灣黃浦口各緊要處所宜提督淮安府
同知加意料務保無虞今高堰等處雖已屹然防護
之功萬不可怠若新溝顏家河黃水之所直射衝撼區

測馬邏蘇家背東工原東南數城之保障守衛宜周天
妃壩黃淮湍薄之處裏外河隄止隔一綫運道所關邇
以河金不給權宜兩次興工前工項將告竣後工竚且
望舉至高寶諸湖汪洋無際西昂東下勢若建瓴萬一
告潰

國計民生受厲匪淺此皆不減高家堰柳浦灣黃浦口諸
險者也議於無事之時爲有事之備諸凡應用器具埽
料早行置辦各立一廠分而貯之卽令河官具結收管
查盤交代儻值洪濤崩決動支應手物料星夜堵塞不

數日間大工克完漕事無礙河雖有不測之變人則有豫防之術也伏候

聖裁

一河務之轉報宜確也欽遵

勅諭其事干漕運并撫按巡河等衙門亦要公同計議具

奏定奪每年將役過人夫用過錢糧修理過工程查照先後題

准事例徑呈河道衙門造冊類繳各該掌印管河官員賢否遵照近題事例分別舉劾因思南河一帶凡有興作

皆臣職掌各屬詳臣轉報河臣覆駁覆議具

奏奪行此定體也邇來諸屬各行其所事事每厥詳司爲迂圖至時應

奏繳取各文冊頻催不至又多參差欲遵造則失實欲駁造又悞事遂爲行提改正然非臣好勞也

皇上所責人夫則應報錢糧則應報工程則應報賢否舉劾則應報固嚴以切耳今議准揚等處河漕修理事務印河官先應詳臣覆酌妥確轉詳總河臣具

題舉事其始事也工程應否舉止估値應否增減臣得兩

問之其終事也物料曾否侵冒官役曾否曠玩臣得而
問之至歲報工程夫役錢糧關係

奏繳最鉅先着理刑官逐查磨勘管收除在務各分析覈
實定于季末初旬造送咨臣詳細考覈明白具

奏其各該印河官人有勞逸工有成虧錢糧有清紊省費
分別賢否附

奏舉勦確遵

聖諭內近

題事例夫然後臂指相屬有呼輒應可以效奮鋪之任底

經緯之績也伏候

聖裁

崇禎癸卯年肆月貳拾陸日具

題本月貳拾玖日奉

聖旨漕河事宜初書開載原詳管河官只循職綜理自能別
弊奏功這條議具見振刷着卽與議覆該部知道

部覆前疏

工部尚書張鳳翔等 題爲恪奉

聖諭敬循職掌俯陳末議以奠河防事都水清吏司案呈奉

本部送工科抄出該本部題覆管理南河工部都水清
吏司郎中徐標條議河官責成宜專河鑑稽查宜嚴急需
河科宜備河務轉報宜確緣絲奉

旨漕河事宜勅書開載原詳管河官只循職綜理自能剔弊
奏功這條議具見振刷着卽與議覆該部知道欽此欽遵
抄出到部送司奉此相應議覆案呈到部該臣等看得河
官自有職掌旁役實以隨官南河郎中徐標所奏欲以專
任責河官蓋慮本官營及干職以外故不得兼理干職以
內官住河干夫分信地一切解銀巡捕俱宜申飭庶官守

嚴而漕河有濟耳至於河道錢糧本以供河道之用一切
出納豈可不使聞于河官大抵那移支放有難以對人言
者恐言之而不便于那移故默默無言卽如山東兗州府
庫貯河道銀業經北河郎中王之柱冊開巡漕御史楊中
極奏報及臣部以漕河乏用搜此河銀而彼竟那用殆盡
實爲殷鑒也嗣後藩郡州邑庫貯凡係河道錢糧必先申
報該管衙門置立循環備開管收除在按季倒換以便稽
查其河工應用器具埽料等項就被衝諸險去處各立一
廠收貯令河官開具冊結聽分司不時按臨查盤卽河道

應修應築錢糧應增應減官役或動或惰管河分司自是專任豈可憑郡邑爲政轉報不確而視河郎爲贅疣耶亟宜申飭以肅漕務此四事者悉

勅諭內之責成近因事久人玩故職事易至廢弛而河郎僅一申明之耳統祈

聖鑒勅下臣部轉行各該河道衙門一體遵守施行

崇禎三年四月初八日具題本月初十日奉

聖旨河道分設司官原有專責所屬有司錢糧何得不聽稽查這奏內事款着與嚴飭如玩抗不遵卽行咨處兗州庫

貯銀係誰那用着管河官及該府官明白奏來省直河道
錢糧有無侵隱着李若星一并清查具奏該部卽與飭行
江北水患工程疏

南河工部郎中徐標 奏爲淮黃汎濫漫決河防謹據實
報

聞仰乞

聖明軫念漕運咽喉急修繕嚴責成以飭新運事臣河官也
臣所汲汲者河則所汲汲者漕而已矣河得其道河之常
也臣所謂漕幸也河失其道河之變也臣所謂漕慮也臣

南河拜

命漕令孔嚴畏此

簡書淵冰自凜而竭蹶修濬夙夜僮僮但覺五枝之窮不顧
七尺之瘁幸而兩年淮限盡可如期河漕諸臣各疏首薦
臣滋媿矣懼矣今年春總河臣督運真州面語臣修守諸
法不啻詳切而復三日一檄五日一札言言忠赤臣豈繫
承宣所司皆設誠而力行之督各河官自山清而南瓜儀
而北處處幫培堤岸在在撈濬淤淺若曰事豫則立不時
回空至重運來也如

勅諭所云河道疏通糧運無滯者其於此有備焉乃大旱後
忽而大雨初以爲祥也不意日以繼夜夜以繼日日甚一
日夜甚一夜平地水深數尺四野盡爲巨川頃且高竇諸
湖之水排空而東注河淮二瀆之水倒海而東衝臣往來
泥水中曲尋夫注江注海一切支河閘壩盡行闕疏以洩
洪流誓欲以性命殉此漕堤卽水沒二三尺許疾呼官夫
築土修防而築一尺水又長一尺餘築二尺水又長二尺
餘更集文武各官及鄉紳士民分地堵塞一綫堤與官夫
之浸相持者數十日而雨且益暴風且益烈倏而雨止

倒壓多室廬矣倏而地爲塌陷壞多樓房矣倏而淮黃交
漲潰決洶湧矣臣臨流而嘆曰豈堯水再見也歟何至此
極也洎溯淮泗而上見淮以西則無黃無淮無湖無河瀆
濬數百里而爲一大澤城郭之上泛舟官民以山爲樓也
淮以東則無湖無河無土無田浩蕩數百里而爲一大壑
城郭之內泛舟官民以杼爲家也上流如此則下流何堪
上流之城郭如此則下流之堤岸何堪故山陽縣則報兩
河橫流新溝蘇家嘴清江浦板閘馬湖南鋪等處漫決矣
清河縣則報兩河泛漲通濟閘月壩文華寺閘漫決矣高

郵州則報湖溢淮逆風雨助虐城關橋俱衝清水潭車邏等處漫決矣寶應縣則報諸湖水發怒濤莫過江橋汜水朱馬灣子嬰溝各漫決矣江都縣則報淮湖浸溢又西山各塘水湧邵伯鎮民居中決金灣河一帶平漫矣最可駭者禹掘地而注之海百谷王也茲河淮湖山之水澎湃東下而海復挾射陽湖廣洋湖溢而西湧濱海諸郡邑受河患又受海患矣千里陸沉之狀觸目恫心萬戶號哭之聲入耳酸鼻此皆水之異形異變也猶幸而自淮口以至江口一切行運大閘屹然無恙近年所修石砌堤工保固無

虞也猶幸而高家堰黃浦口爲淮揚大保障天妃壩王公堤爲河淮大關鍵臣與總河漕臣道府守令諸臣堤上加堤埽外增埽全力致死守之尚無故也夫河淮爲世間兩大潰卽爲世間兩大害偶經其一或不繇道古今稱患乃合沁泗汝汴汶沂諸水匯于兩潰交灌淮揚而又益之以二十四塘三十六湖七十二澗之主水助之以數十日傾盆如注之雨水江北半壁之天下何以容之則臣之所爲與臣之所遭良可惻然已臣司河堤者也迺錙銖而營之尺尺寸寸而護之者皆臣之魄力結聚焉者也忽值

此滔天之水末當夫四至之湍激千辛萬苦莫問東流臣
所以仰天椎心而泣血也臣此時艤舟一葉出沒風濤尚
設法料理苟事猶可爲未至傾圮者加意搶築加意密防
謂揀今日一尺可省異日一丈至築塞之舉必俟水平恐
伏水未消秋水繼至必不容與水爭衡成無益之勞費也
臣南河與諸河不同萬水之所歸又全漕之所始卽懷襄
無警亦幾嘔心精始濟飛輓至經此一翻洪水一翻衝決
所破壞者大矣況沿河洩水開壩涵港今俱開放漕舟行
時又都應閉塞蓄水則都需物力新運可虞修圖宜蚤臣

不敢以河帑匱乏之時或稍緩是必不得已之役已抑臣
猶有

請焉臣一人而謬肩提督之任一手一足豈能拮据四百餘
里毋亦惟是諸有司戮力同心是賴至工程浩大時勢急
迫而支金錢鳩夫料課畚鍤則所倚毗尤切若仍是秦越
無關府廳轉行印官印官轉行河衙之故事工有成毀一
以付之么膺小員未有能濟事者也臣議各地方堤工卽
令該地方官畫地任之府河官州縣印河官固屬當局不
足再簡諸佐領敏慎者分人授事限日考工至錢糧夫役

一聽理刑官逐細查覈臣與淮揚二道臣監督綜理先期報完者必加褒舉臨期坐悞者必與戒刺此而責成始嚴庶河有底績而漕有速效矣臣

勅書內一款其事干漕運并撫按巡河等衙門亦要公同計議具奏定奪今日事體何等重大而職掌攸繫何容默默雖河上各提調官

大明律河防款內其暴雨連雨損壞隄防非人力所致者勿論而用力有勤惰伏秋有甄別例也除臣另行確查併確估急修各工另詳總河巨具題外謹以目前水患情事

具呈總河臣朱光祚總漕臣李待問移會巡按臣史進巡
漕臣王邦柱巡鹽臣張錫命具疏奏

開仰乞

皇上愍念 國計民生漕運之遲速以此萬姓之安危以此
亟行查酌興舉更祈

嚴勅地方各官暨輟他務董理河防如或抗玩致梗漕儲臣
得以白簡從事遲漕誤運

重典赫然不容貸也臣何勝悚慄待

命之至

崇禎四年八月二十三日具 奏本月二十七日奉

聖旨治水導河全藉人力徐標職掌專司有應行事宜卽着
遵照勅書盡心料理不得徒動控請該部知道

條議速運疏

南河工部郎中徐標 題爲微臣謬設速運之法兩年幸
獲過淮之利敬陳眇識懇乞

聖明裁茹以成永賴事 國家要務漕運爲急而急漕則併
急河官河者不惟應多方修河以濟漕更須多方備運以
速漕則河臣之責愆以切矣至臣所理南河尤全漕飛輓

之始也冬春之際百派爭涸旣難乞河伯之靈而數百萬糧儲瓜儀分道而入淮口合集而出僕僕問舟問米課弁課軍全在于此稍忽經畫頓違淮限則臣之青艱以鉅矣臣爲此懼莫敢或違歲內拮据淮揚間或嚴督撈濬蓄水之深或密塞港洞防水之洩滴水如金之時盈溢若伏秋漕固不病滯矣歲外越元旦即遠浮淮黃送江北之開行者過淮移駐瓜儀督兩江之進關者過淮止則星夜關于以挽拽行則號呼舟首以催僨身之所到目之所覩未有一舟一人或稽玩者漕亦不病滯矣然仍慮身北則不及

南身南則不及北不及之處偶成淹闕臣爲設一查催之法計地計程計日計時逐境督之置二限單其一分發各州縣上註本境內水程計若干里某衛所運官某押運船若干隻某日某時進境某日某時出境該州縣立一催償官每運船至各給一張入境付之出境收之如遲時日即行查處其一於瓜儀關口給各運弁上註某衛所運官某押運船若干隻某日某時進某州縣境某日某時出某州縣境自瓜儀以至清口挨次填記要與州縣單合其自上江來者單印儀關千文字號其自下江來者單印瓜關千

文字號統於臣屬盡境清口開收如天字號到地字號未到即催地字號脫幫者如地字號到天字號未到即究天字號逗留者該關所收之單每五日一次報臣則各衛所押運之官與各地方僭運之官欲時刻延緩不得也然尚慮地無專人人無信地以互推成誤臣又爲設一分催之法專督印河等官查將所轄沿河隄岸自南界起至北界止共長若干里每十里分委職官一員或淺老一名淺夫二名置小木杆一根小黃布旗一面六書催僭糧運四字插立各界常川在彼守定地限如遇運船到界逐界押送

日夜備行該州縣河官任堤往來爲一總催其各分定堤界與派定姓名先行揭臣復將催過船數每三日一次報臣臣不時單騎或輕舸親詣查勘如邊臺飛矢夜巡故事若官夫不守信地界內停止運船卽治官夫併懲河官其有風朝兩夕催挽過勞者量行進賞以示鼓舞則各地方催運之官與各官備運之役又欲時刻延緩不得也蓋漕運一事人人以爲軍國大事

令甲赫若亦人人以爲性命相關總河漕臣夙夜驅策巡漕臣與漕道臣竭蹶催督者抑何如勞瘁入臣之境數百里

內敢不嘔盡心血以圖邁往臣故設此二法若無地非催
僭之處無時非催僭之務無人無催僭之責數千漕艘揚
帆飛渡盡以星速過淮頗覺於茲得力事固無奇期於克
濟則臣之伎倆止此而臣之精力已痛矣臣行之效諸河
可知臣兩年效異日可知敢自陳千慮之一得妄求爲速
漕之長議伏乞

聖明俯納嚴飭焉河漕幸甚臣愚幸甚臣標何勝悚慄激切
待

命之至

嚴飭河防事宜疏

南河工部郎中徐標 題爲敬遵

明旨嚴飭河防列款 奏報仰祈

聖鑒事臣愚碌碌叨役南河然南河與諸河不同諸河不過
南北一衣帶耳南河則爲萬水之所終又爲全漕之所始
陵寢民生所關尤鉅而復東達海濱西盡淮堰南淪江漢北
受淮黃中爲三十六湖七十二澗之壑稍疎經理則東南
汜濫可虞而修河速運固

陵保氓蓋惴惴乎難之已臣初受事隨具恪奏

聖諭敬循職掌俯陳末議以奠河防一疏奉有管河官循職綜理自能剔弊奏功這條議具見振刷之

旨臣振刷材庸綜理心切敢不勉圖悉飭靖共乃職自履任來手足拮据必勞必先以水爲家以舟爲舍以夜爲晝以藥爲食修營催贖無事不嚴號呼指示無時不嚴真見夫有一事則伏一弊有一法則生一竅有一人則萌一姦必欲以嚴之藥急拯夫玩之病若兩年淮上

欽限河工

欽限漕運俱可如期告竣實於此取効蓋竭蹶於

王事則嫌怨所不辭抑未知萬一有當否特以臣標細爲按別與總河漕臣力爲懲創者備列

上聞仰乞

聖明裁察焉以條 奏事宜字限稍踰萬懇

矜宥臣標可勝悚慄待

命之至

一嚴領銀南河黃淮衝蕩歲有急工而舊料不敷勢必領辦往者河官赴府守領或致延誤近河錕改貯山江縣庫令印官具領司道掛號牒行關領頗爲快便蓋同寅

共事則自無等待守令收掌亦別無疎虞仍將領過銀數及領銀日期星速報且異日支之清潤與支之遲速便以此爲準甄別各官之材品略見一斑矣

一嚴支銀河工一興山戶木商窰戶及各鋪戶支料價銀車戶船戶及各工匠支腳價工食銀如不應支而支或應支而不支或應支而浮於支遲於支庫籍不清追比不完工程不迅不堅皆繇於此臣令印官領銀則印官支發領銀到日先懸牌示分開項款挨次進領即將原領印封同衆驗拆同衆分兌某應先支幾何某應續支

幾何唱名親給留續支者即同衆封識貯庫仍面諭衆等有需索騙詐者許即扭稟坐贓重擬如此之公之平無不趨事恐後者也

一嚴辦料往年各商戶或先呈預借或溢數支發銀一到手轉瞬蕩然及至興工自甘責比而苟且枝梧然省局濟焉臣思民間營建以現在銀質現在料如取諸寄功成不日在官者何獨不可做而行之因令印官收銀無輕支發一如民間營建先招各商戶批與一券某人某料若干應給銀若干允支若干料完幾何支與若干料

務如式不堪退換續給紋銀足數擇而取之或有不敷入山入市隨便公買料既工好人爭貿易而銀無他慮事無他虞寔有明效也

一嚴運料陸運車戶水運船戶往往巧密鑽營或預支或冒支狼籍於前寧顧其後比督運料苦稱無力官即怒呼粉骨無措矣臣令支運銀一如支料銀先招各戶亦批一券某人承領運某料若干應給腳價銀若干先支若干送完幾何支與若干運務如期遲誤究責給發紋銀足數運完給完如彼怠緩現銀另覓捷如響應歸如

流水俄頃之功可立奏也

一嚴委官夙聞雜職候缺官日營差委乞恩管工此等心腸豈爲公務委票到手需索多端厥腹果然飽則颺去迨其債裂正法懲處則亦晚矣臣謂嚴委官於後不如嚴委委官者於前如工少則專責河官如工多河官照管不周必用委官州縣先送履歷職名報查或先具示致冒委甘結附卷如保舉之例若工完之日有侵欺占折勒索及修濬傾淤情弊即以其罪罪夫委者仍令賠工分別議處人皆慎擇官役覈實工作巧營者不得入

而利夫壞事矣

一嚴工限敏則有功從古利之如事事者始以怠玩成因循繼以因循成廢弛究至金錢日耗而無存夫匠漸亡而不知即後有善者抑亦無可如何臣令支銀料戶即定一限擇役督之某日辦完違者治支銀運戶即定一限擇役督之某日送完違者治支銀夫匠計地分工即定一限仍親督之某日工完早數日者若何行賞晚數日者若何議罰則一時精神湊集鼓躍爭先可計日告成矣

一嚴浮估應修應濬之工如不經覲覓不一覆查止聽下
官泛估則以無爲有指少爲多全無可據而輕允支辦
紙上之虛文頓費藏中之實銀則浮估固冒破之張本
也臣於淮揚數百里內無尺地非經目經心之處其應
修若干某應濬若干可動費若干瞭然明白矣至用料
用夫某料價值若干某夫匠食米若干可動費若干瞭
然明白矣所應估修彼固不敢不估所不應估彼亦不
敢冒估如遇修廢補缺則更不必懸估止令量支若干
緊急辦作工完算料計料銷銀何等直確何等直捷戒

浮估於前愈於懲冒破於後也

一嚴偽省節省固是美名若不求實濟徒計省約或先行
濫估故以留後之餘或後歇正工故以表先之儉工程
苟簡塗飾多方則節省二字最爲害事臣謂課之以實
事不必豫問以節金若果料好工堅則支如其估亦可
或精覈慎用則微有所節亦可擇利必於大擇害必於
輕錙銖之存留又何如成平之水賴乎

一嚴夫蠹河夫有額數則工食有額銀期于獲實用也如
使猾玩者濫竽攬占者冒精或豪富者債息滋肥諸夫

果腹之資悉爲若輩饕食之供將夫日益窮夫日加少矣臣嚴行禁約親行查考先令印河官造送花名冊揭備載年貌籍貫務精壯確實老弱有汰遊蕩有汰卽爲招補曠玩必究包占必究卽爲懲治又慮各夫窮乏稱貸令州縣每季先一二月具詳總河臣批行卽給重禁勒索則諸夫可按時自飽大姓難入市攫金夫獲食之益有一分得一分之用官獲夫之益有一夫得一夫之用也

一嚴水禁近奉河淺誤運之

令凜於斧鉞况漕運過淮又當冬末春初之時沿外閘洞注
江注海故道皆可洩水舊有鹽徒強佃盜竊水利明閉
暗開漫不關防者或有河蠹市棍喜阻貨船高值剝載
利河淤淺者臣頻行禁閉入冬自清淮以及瓜儀躬親
查勘凡遇閘洞躬督下椿填土實塞文餘派夫防守全
淮下流匯歸一路沙無停滯河水汪洋數千漕艘揚帆
飛渡蓄之豫也今後如水勢漲發則盡開閘洞以固漕
堤如水涸之際漕運伊邇各該河官仍照臣築壩實塞
分地防守故事臣仍不時往來密查如有疎玩懲該守

者併懲河官水深永利飛輓自無虞也謹題請

旨

歲報河道工程錢糧疏

南河工部郎中徐標 奏爲河道可虞人心易怠仰體

宸衷敬陳末議以勵人心以保河漕事案奉工部劄付前事
該本部題都水清吏司案呈奉本部送工科抄出都給事
中常居敬等具題條議四事內一款一錢糧之當稽夫河
工錢糧雖無定額而一經舉事所費不貲苟非申報明悉
則出入之間何從而覈其實也先該河臣潘季馴條議濬

閘河以利運艘一款每年八九月間動支歲修錢糧多寡夫役大加挑濬限一月通完該管河郎中照南旺事例將用過錢糧特疏奏

聞奉有

明旨所宜欽承乃各河道動支錢糧其報部與否雖不可知然歲終未見具奏臣等亦無自而稽覈焉夫錢糧隨宜動用何可使之掣肘也然費出河工動關

國計合無自今凡河道諸臣一切歲修經費年終明開條件具疏奏

聞奏冊青冊部科備照庶因錢糧以稽河工而虛冒之弊可免矣等因奉

聖旨工部知道欽此隨該本部覆看得河道錢糧雖無定數而河道疏濬則有成期先年題奉

欽依北河中河兩年一挑南河及海口新豐一年一修所動錢糧在南河則有各衙門協濟歲修銀兩在北河中河及通惠河止調各州縣衛所原派堤淺夫役前來修理應用椿草量動該府庫河道銀買辦工完之日各河節中造冊具本自行

奏繳節年遵依未敢違越今科臣覆議及此似應再行申飭
管河官員各照節年題

准事例河工完日具疏奏

聞黃冊青冊部科備照則錢糧有實用而河工亦因以可考
矣題覆各款俱奉

聖旨依議行欽此欽遵備咨總理河漕衙門及劄行司官欽
遵外奉此卷查嘉靖十年十月內該前任郎中金述奉本
部劄付爲修舉廢陞以益水利事該工科都給事中趙漢
條陳內一款本部議擬合候

命下之日備咨總理河道都御史各該管河郎中督令軍衛
有司提調正官并管河官員各照地方原設舖舍照舊修
立夫役俱照額數編僉近河殷實人戶應當夜則於本舖
守宿日則築堤挑淺及種灌樹株招呼往來船隻避淺而
行若有司輕忽不行修葺或故將貧遠人戶編作淺溜等
夫九無一在以致誤事即參究拏問仍行管河郎中常川
巡歷比較着實每年終將該管河道有無淤淺里數
築濬過等項工程確實奏

聞等因題奏

欽依備劄本官欽遵施行奉此遵行到今爲照臣自接管以
來欽奉

勅諭管理淮安天妃間以南至儀真一帶河道臣遵奉分定
地界通行各該府衛州縣提調正官并管河官員一體遵
依及臣常川巡歷查驗遇有河道淤淺鋪舍閘座廢壞隄
岸坍塌隨即嚴督各該官夫照依地界立限用工着實挑
濬修築遵照節年舊規年終開報

奏繳欽遵在卷今照前因行據直隸淮安府揚州府經歷司
各呈遵行過臣案驗紙牌事理內淮安府所屬山陽縣清

河縣揚州府所屬高郵州寶應縣江都縣儀真縣俱自崇
禎貳年正月起至十二月終止各將年例歲修河道淤淺
堤岸坍塌及應修閘壩等項處所逐一督調官夫挑濬加
幫補築高厚修砌完固其揚州衛儀真衛高郵衛淮安衛
大河衛各該管河道俱無撥用夫工挑濬等因各具已完
工程及用過錢糧數目開造到臣據此查勘相同遵照先
後題奉

欽依內事理爲此今將修築過隄岸閘壩淤淺等項工程丈
尺并用過錢糧役過人夫裁過樹株各數自照依每年事

例另造青冊呈送部科備照外理合造冊具本
奏繳謹具奏

聞

崇禎三年四月二十六日具

奏五月二十九日奉

聖旨工部知道

道總督木

勅諭疏

南河工部郎中徐標 奏爲 進繳

勅諭事崇禎五年四月二十七日奉工部劄付爲酌議就近

委官督徵未完木植以備工用事營繕清吏司案呈奉本部送工科抄出該本部題本司案呈據管理南河郎中徐標呈稱帶追逋木除前司追完外餘欠查係汪正興等未完無多委係人丁產盡屢奉

恩赦豁免本司接管無從追解伏乞銷筭開豁以便繳

勅緣繇到部送司奉此先准督理袖分兼催備浙直木料主事黎元寬手本會稱帶追各商木價除前任追解外餘欠委係人丁產盡浦商胡孝等屢追無補事經年遠遵奉

赦款通行開豁免追若張元等以淮撫家人李七抵補及漂

淌銷筭通完俱應開豁等因在案該本司案照先於萬曆三十二等年間因

大工需用鷹單條槁等木派商辦運以應急需查浙江木商程文汪信等共領頭二運木價水脚銀二十三萬七千七百一十五兩一錢四分五釐一毫七絲四忽八微內除通惠河先收過木值共完銀一十萬五千七百一十九兩四錢一分三釐二毫二絲共欠銀一十三萬一千九百九十五兩七錢三分一釐九毫五絲四忽八微南直木商俞桂汪之政等共領頭二運木價水脚銀二十二萬一千一百

五十八兩四錢五分三釐四毫內除通惠河先收過木值
共完銀九萬二千三百六十七兩一錢五分一釐二毫一
絲共欠銀一十二萬八千七百九十一兩二錢零二釐一
毫九絲後因補木到灣工停未收致遭兩次漂失遂於萬
曆四十三年間查照欠數題叅請

勅劄行南河南關二監督帶催賠補今查浙江木商除南關
追解過木價及通惠河續收過補木并前後扣銷過吳守
清等漂流及加增并准撫家人李七償還各木價銀六萬一
十二萬七千六百零三兩五錢九分外尚實欠銀四十二

百九十二兩一錢三分六釐零南直木商除南河追解過
木價及通惠河續收過補木并前後扣銷過張敷學等漂
流并加增及淮撫家人李七償還各木價銀共一十二萬
四千九百九十二兩五錢三分一釐零尚欠銀三千七百
九十八兩七錢七分零內又於崇禎元年六月內追解過
俞桂等六名木八千八百八十根抵灣堆灘續被虜焚止
現存木六百根原在

恩免之內因追解在先亟應驗收抵弄被燬者似應准其開
銷至於此外未完委係汪正興等所欠其浙商未完委係

胡孝等所欠俱已人亡產盡無可追解且屢奉

恩赦例應豁免相應具題以清夙案以信

明綸者也其先年原領追木

勅書今木案既完相應劄行該差

奏繳等因呈蒙本部看得前木原係漂失賠補非妖商詐冒可比夥商親戚代賠拖累監斃已多就各項計之完已什九之外其未完之數委係人亡產盡法窮於勢催併莫施屢奉

恩詔謂浙江南直木商舊欠監追年久正身物故家產罄

累及親屬代照者許勘明具奏除豁仰祈

皇上哀此災黎

俯允豁免則浩蕩之施直滲入於枯骨矣至於先年原領
勅書合俟該差齎繳其三運木植所量給起水銀速收等因
具題於崇禎五年四月初三日奉

聖旨今商胡孝等舊欠銀兩既係年遠產盡准與豁免見例
三運木着遵前旨扣收仍依議量給起水銀一併扣差還
着總理同巡視官嚴密查明不得借端朦冒欽此欽遵除
將三運木植另行查給起水銀兩扣收外至於漂流追補

木價業經銷筭題

准豁免仰司遵照題奉

欽依事理即將帶追未完木價槩行免追原奉

勅書作速齎繳以完

欽案等因備劄到臣奉此案查連木一事原係嘉曆四十二年間前司郎中李之藻奉

命管理淮揚河道隨蒙本部劄付統便帶追南直各商未完木價題請

勅諭一道該司欽遵追解銀木已經造冊報部其餘未完各

司官交代接管遵依追木追銀卽次解部驗收訖今奉本部劄行將已完者銷筭俱明未完者具

題開豁奉有

明旨准與豁免欽此除將未完木價免追外木案已結所有
先年原奉

勅諭一道理合 進繳謹具奏

聞

崇禎五年六月初十日具 奏七月 日奉

聖旨 該部知道